

*Komisija za izbor i imenovanje/
Povjerenstvo za izbor i imenovanje*

Комисија за избор и именовање

Broj: 01/6-02-1034/22-1
Sarajevo: 27.05.2022. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 2022-05-09			
Org. jed.	Broj	Priloga	Vrijednost

**PREDSTAVNIČKOM DOMU
PARLAMENTA FEDERACIJE BOSNE I HERCEGOVINE**

Komisija za izbor i imenovanje Predstavničkog doma Parlamenta Federacije Bosne i Hercegovine je na 17. sjednici, održanoj 27.05.2022. godine razmatrala slijedeći:

DNEVNI RED

- 1. Usvajanje izvoda iz zapisnika 15.i 16.sjednice Komisije za izbor i imenovanje**
- 2. Imenovanje Radne grupe za izbor sudije Ustavnog suda Bosne i Hercegovine**
- 3. Tekuća pitanja.**

Na osnovu člana 44. Poslovnika Predstavničkog doma Parlamenta Federacije Bosne i Hercegovine, Komisija Domu podnosi slijedeći:

IZVJEŠTAJ

AD-1

Zapisnici sa 15. i 16. sjednice Komisije za izbor i imenovanje su usvojeni bez primjedbi i sugestija.

AD-2

Predsjedniku Ustavnog suda BiH gospodinu Mati Tadiću na osnovu člana IV/1. c) Ustava Bosne i Hercegovine prestaje mandat dana 15.avgusta 2022. godine, s obzirom da stiče uslove za sticanje prava na starosnu penziju.

Komisija za izbor i imenovanje je na osnovi tačke III. Odluke o postupku izbora sudija Ustavnog suda BiH koje bira Predstavnički dom Parlamenta Federacije Bosne i Hercegovine („Službene novine Federacije BiH“, broj:6/05) formirala Radnu grupu koja će provesti propisanu proceduru izbora novog sudije Ustavnog suda Bosne i Hercegovine. Radnu grupu čini pet članova, od kojih su tri člana ove Komisije i dva člana iz Udruženja sudija/sudaca Federacije BiH.

Nakon pristiglih prijedloga ispred ove Komisije i Odluke koju je dostavilo Udruženje sudija/sudaca Federacije BiH, članovi Komisije za izbor i imenovanje su se usaglasili i

jednoglasno odlučili da od članova ove Komisije u Radnoj grupi budu: **Mladen Bošković, Ismet Osmanović i Samer Rešidat**, a ispred Udruženja sudija : **Hakija Zajmović i Božana Banduka**.

Također je odlučeno da predsjednik Radne grupe bude Mladen Bošković.

Nakon rasprave o ovoj tački dnevnog reda, jednoglasno je odlučeno da Komisija za izbor i imenovanje predlaže Predstavničkom domu **Prijedlog odluke o imenovanju članova Radne grupe za provođenje procedure izbora sudije Ustavnog suda BIH kojeg bira Predstavnički dom Parlamenta Federacije Bosne i Hercegovine**, radi donošenja.

U prilogu izvještaja : Prijedlog odluke

PREDSJEDNIK KOMISIJE

Dr. Mladen Bošković,s.r.

PRIJEDLOG

Na osnovu člana VI.1. a) Ustava Bosne i Hercegovine i tačke III. Odluke o postupku izbora sudija Ustavnog suda Bosne i Hercegovine koje bira Predstavnički dom Parlamenta Federacije Bosne i Hercegovine („Službene novine Federacije BiH“, broj: 6/05), čl. 62. i 152. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br.69/07, 2/08 i 26/20), Predstavnički dom Parlamenta Federacije Bosne i Hercegovine, na sjednici održanoj _____, donio je

**ODLUKU
O IMENOVANJU ČLANOVA RADNE GRUPE ZA PROVOĐENJE PROCEDURE IZBORA
SUDIJE USTAVNOG SUDA BOSNE I HERCEGOVINE KOJEG BIRA PREDSTAVNIČKI
DOM PARLAMENTA FEDERACIJE BOSNE I HERCEGOVINE**

I.

Za članove Radne grupe imenuju se:

1. Mladen Bošković, predsjednik
2. Ismet Osmanović, član
3. Samer Rešidat, član
4. Hakija Zajmović, član
5. Božana Banduka, član.

II.

Ova Odluka stupa na snagu danom donošenja, a bit će objavljena u „Službenim novinama Federacije BiH“.

PF broj.
----2022.godina
S a r a j e v o

**PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH**

Mirsad Zaimović